

Ḳapiya Sën Yut Kevu Vu Kerisi-yi-alam

¹ Sa Yut, sën Yesu Kerisi yi hur sa, geYakobus ari sa. Lom sa ḱevu ḱapiya sënë yök vu ham sën hil Amad Anutu ggooïn ham rak bahë neving ham benegin ham nivesa in Yesu Kerisi yi alam ham lo. ² Sa bë Anutu kwa paya in ham rot megevang beham ayomin gëp revuh, bahë geving ham pangsën.

Yut Nër Gagek Rak Alam Sën Bë Dekevoh Bengö Nivesa Na Lo

³ Sa mehö lo-e, sahëg neving ham, om sa bë ḱevu ḱapiya ti nöḱ vu ham menanër gagek la jaḱ sën Anutu neḱo hil pin lok ti yom vu yi lo. Rëḱ ma gesa halë bë huk neggëp vu sa bë sa ḱevu gagek ngwë vu ham nabë: Anutu-yi-alam hil, behil haḱo Bengö Nivesa vorot. Rëḱ alam vahi bë dedahun na, om sën sa bë nanër vu ham nabë ham nimin wëëḱ, beham gwedu sir nah, in gagek pin sën hil nehevong ving agi bare niwëëḱ. ⁴ In alam vahi devun sir medelok yam ving ham geham su nerak nij rë. In Anutu-yi-alam dekevu gagek rak sir wirek meneggëp vorot bë alam nebë sënë rëḱ deberup, beham lë ggovek ya. Log gagek sagi nër bë rëḱ degeḱo nyëvewen berëḱ malaj nama. In nij nelëlin Anutu medenepekwë yi gagek semusën sën nevo vu hil nyëmasën lo, medenenër nebë hil ayoh vu bë gevong baggëb jeggin jeggin, gegagek rëḱ

nama. Log deneruu demij vu hil alad perurek timu sën hil Mehöböp Yesu Kerisi lo.

⁵ Wirek Mehöböp ko alam Israel vër in dob Ejep gedenejom, loḵ nahub rë lob sis alam sën su ayöj neya timu vu yi rë lo bedediik. Sagi ham raḵ ni, rëḵ sa bë bër ham kwamin gökin.

⁶ Log sa bë bër ham kwamin jaḵ angër lo geving rë. Wirek og denedo nivesa loḵ hir huk muḡinsën, rëḵ ma gedevuu hir nyëḡ ya gedevongin bë degeko sir jaḵ. Lob Anutu duu sir raḵ sëng sën gëp degwata los degwata lo, betung sir loḵ ya denedo malakenu nipaya medenegin Anutu yi buk böpata sën seggi alam pin hir gägek lo.

⁷ Log wirek og alam Sodom los Gomora, galam beggang böp vahi sën denedo dus vu sir lo, og yiḵ denevong ngaa nipaya nebë saga ving. Malaj neseпа baggëb gedenevong ngaa nipaya nimumsën-yi ving maluh los avëh vahi jeggin jeggin. Nebë sënë lob Anutu vo nyëvewen vu sir bedenedo loḵ nengwah sën su nekul ya rë lo degwata los degwata. Lob ngaa sënë tato vu hil in bë hil agöneng in gehil su tamuin sir. ⁸ Rëḵ mu alam vahi sën senër gwëbeng bë devun sir loḵ ham vuheng lo, og yiḵ denevong nebë sënë ving. Vong bë deneggëp medenepesep, om sën yö denetetuhin sir bë Anutu su rëḵ bo doḵ nah nyëvewen vu sir rë, lom denevong riḷ raḵ navij raḵ ngaa sën su yoh vu rë lo. Log su denebë nengaj vu hil Mehöböp yi gägek rë, log denenër gägek pelësën raḵ angër sën niwëëk los arëj böp lo ving. ⁹ Rëḵ sagraḵ su yoh vu rë. In wirek og angër yuseḵë Mikael luho Satan denenër sir bedeggök sir in Moses navi bë ngwë tena geḵo. Rëḵ mu Mikael su ko yi raḵ nebë sënë

menër gagek pelësën rak Satan rë, gak yik dahun yi menër bē, “Mehöböp yö rëk bo gagek jak hong!”
¹⁰ Rëk mu alam vahi sën senër lo, og denenër gagek nipaya rak ngaa pin sën su denerak degwa ni rë lo. Gak ngaa sën denevong lo, og denesepa lok ngaa sën navij nevingin lo nebë sën böök los anöö denevong lo, lob ngaa sënë rëk basap sir bemalaj nama. ¹¹ Om gëp in sir, in denesepa lok Kain vaha, log yik deneserög pevis in bē degevong ngaa nipaya nabë sën Balaam nevong wirek bemala anon in kupek lo. Log denevong ngaa sevök sevök vu Anutu nebë sën wirek Kora nevong lo, om rëk malaj nama yönon rot.

¹² Log sën ham nedo revuh ti menevong nos böp ahëvingsën-yi lo, og alam sagi deneluk yök ving besir nebë saap sën neggëp vunsën lok loo ayo beneveröp yag lo. In malaj anon in nos mu medeneyam, besir nebë anöö bekwaj nevo sir mu. Alam sagi og sir nebë beggob sën sang neko sir beneko lok lok lo, rëk mu hob su lok nedo meneto rë gema. Gesir nebë aperek maluh sën su denesis anoj lok hir buk rë lo. Aperek nebë sënë og vong bē dediik beron luu, in ngwë sën su denesis anoj rë lo, log ngwë sën hil navuv sir ya los degwaj lo. ¹³ Log sir nebë loo. Denevong ngaa nimumsën bekebu rak sir nebë loo nyë kos sën nesis böpata beberup neggërin loo rot lo. Gesir nebë betuheng sën detök vu yagek meto malaj nema gesu denejöh rak hil rë lo. Om alam nijpaya saga na demedo nyëg malakenu degwata los degwata nabë saga.

Alam Nebë Sënë Rëk Degeko Ngaa Nipaya Nyëvewen

14 In Enok sën yi degwa vu Adam beberup yi netu nemadvahi-bevidek-luu lo tu mehö-nenër-gägek-rangahsën nyëdahis menër gägek rak alam sagi bë, “Ham gwengo rë! Mehöböp losho yi alam vabuung mehömehö rëk denam 15 in degengo mehönon pin hir gägek bemëm bo nyëvewen gelek alam nij paya dok nah ngaa nipaya pin sën denevong lo, gevu alam sën nij nelëlin yi lo. Log rëk bo nyëvewen dok nah hir gägek pelësën sën denenër rak yi lo geving.” 16 In alam sagi og denenër gägek yah nenga rak alam, log ahëj nipaya in ngaa pin sën netök vu sir lo. Log denesepa lok ngaa pin sën malaj anon in lo. Log denevong tavek beyö denevengwëng jeggjin jeggjin medeneko sir rak bë sir alam böp. Log denevong gägek jeji jeji vu mehö ngwë in bë dedok vu sir jak ngaa vahi.

Ham Ngo Gwevong Geving Bemedo

17 Rëk mu sa mehö lo-e. Ham ngo kwamin bo hil Mehöböp Yesu Kerisi yi sinarë lo hir gägek sën denenër wirek lo rë. 18 Denenër bë, “Dok sën nabë Buk-tamusën dus jak lo, og mehö la rëk deberup medenanöp jak alam sën denesepa lok Anutu lo. Alam sagi rëk desepa dok ngaa nipaya pin sën malaj anon in lo mu.” 19 Alam sagi rëk dejak ngaa-dob-yi ni mu, gAnon Vabuung su rëk medo geving sir rë, lob degevong in nabë begö berup beKerisi-yi-alam debasuh sir. 20 Rëk mu ham sën sa mehö ham lo, ham nevong ving Anutu yi gägek vabuung vorot. Om ham najom ahon bekwamin bo jak buk in ham nimin wëëk jak. Log Anon Vabuung tatekin ham kwamin beham medo najom jak los niwëëk. 21 Ham su gwetah ham in

Anutu sën ahë neving ham lo. Geham gwegin hil Mehöböp Yesu Kerisi in kwa vongin ham, om rëk gevong beham medo malamin-tumsën degwata los degwata. ²² Log nabë alam nij paya saga hir gägek gevong balam vahi kwaj na luu luu, og ham tatekin gägek anon vu sir. ²³ Log vong bë alam vahi denedo loḵ nengwah, om ham gwetah sir vër pevis. Log alam vahi og ham doḵ vu sir. Rëḵ mu ham gwegin ham nivesa begöneng in hir ngaa nipaya bemedo ading in. In rëḵ jikin ham geving, in saga nebë tob ningöhek.

Hil Ahëd Nivesa Vu Anutu

²⁴ Anutu yoh vu bë gëgin ham nivesa beham su rëḵ bës rë, gaḵ yoh vu bë geḵo ham nah medo geving yi sën mehö niwëëḵ los gayeheng lo. Yö yoh vu bë rëḵ gevong bengaa nipaya su gëp vu ham rë, gaḵ ham rëḵ medo geving yi los ahëmin nivesa rot. ²⁵ Anutu yik perurek timu sën lo neḵo hil yom vu yi rak ngaa sën hil Mehöböp Yesu Kerisi vong lo, om hil gako arë jaḵ na vavunë rot menanër nabë yi Mehö niwëëḵ los gayeheng, getu ngaa pin ala. Yö nedo nebë sënë wirek, gegwëbeng, gerëḵ medo vu Buk-tamusën geving, degwata los degwata. Yönon.

Gagek Mewis
The New Testament in the Central/Mapos dialect of the
Buang language of Papua New Guinea
Nupela Testamen long tokples Buang Mapos long
Niugini

Copyright © 2003 The Bible Society of Papua New Guinea

Language: Buang, Central/Mapos (Buang)

Dialect: Central/Mapos

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 11 Nov 2022 from source files dated 9 Oct 2020

18a972db-abcc-5dc3-9031-f1d4455b33c3